

أربع حجات ف الشتاء لو خدت بالك منهم هتطلع من الشتاء كسبان كثير جدًا :

- أول حاجة : إن نهار الشتاء صغير ومبنعطش فيه كثير أو بسرعة ، فلو زودت عدد أيام صيامك ف الشتاء هتطلع كسبان ثواب الصيام ، وفي نفس الوقت متعبتش أوي .

- ثاني حاجة : إن ليل الشتاء طويل فتقدر تاخذ كفايتك من النوم، تنام ست ساعات أو سبعة أو زي ما بتننام ، وفي نفس الوقت تقوم تقوم الليل بركعتين، بأربعة ، بستة ، بثمانية يي ما ربنا يفتح عليك ، ودا ما يآثرش عليك ثاني يوم لا في شغلك ، ولا في جامعتك ولا في مدرستك أو أي حاجة بتروحها .

- ثالث حاجة : إن الوضوء في الشتاء تقيل أوي علي النفس ودا فيه ثواب ذكره النبي عليه افضل الصلاة والسلام إنه يمحو به الله الخطايا ويرفع الدرجات ، كان واحدة من ثلاث حجات ' إسباغ الوضوء علي المكاره ' فتنوي دا وأنت بتتوضي .

- رابع حاجة : وقت المطر يا جماعة من الأوقات الفاضلة لاستجابة الدعاء، فمينفعش يعدي عليك ولا مرة السما تمطر فيها غير وأنت بتدعي .

سلامٌ عليكم .